

ԱՎ. ԻՍԱՀԱԿՅԱՆԻ ՄԻ ՔԱՆԻ ԱՆՏԻԿ ՆԱԽԱԿՆԵՐ

«Ես սիրո երգիչ եմ. սիրո՝ զեպի մարդը, կենդանիները, բնությունը, տիե-
զերքը»,— այսպես է բնութագրել իրեն մեծանուն վարպետը՝ Ավ. Իսահակյանը:

Եվ իրոք, նրա ամբողջ ստեղծագործությունը շնչում է մարդու և աշխարհի
նկատմամբ ունեցած անսահման սիրով: Եվ ոչ միայն ստեղծագործությունը.
բանաստեղծի կյանքն էլ համակ սեր է եղել: Նա սիրել է կյանքը, սիրել է մար-
դուն, և հենց դրանով էլ պայմանավորված է Վարպետի անձնական սերը:

Շատ է սիրել Վարպետը իր կյանքի ընթացքում, սիրել է իրեն հատուկ
դորեղ ու մեծ սիրով. նա փնտրել է մաքուր, անբիծ ու անաղարտ սեր, որ վե-
հացնում, ազնվացնում է մարդուն: Ռոմանտիկ է եղել բանաստեղծի սերը,
երազային, ու իբրև անիրականանալի երազ էլ, ցնդել է, փշուր-փշուր եղել:

Շատերը գիտեն Վարպետի առաջին սիրո՝ Շուշիկի մասին: Բայց քչերին
է հայտնի այն նվիրական, քնքուշ զգացմունքները, որ նա տածել է Աննիկի
նկատմամբ:

Մի երջանիկ պատահականությամբ մեր ձեռքն ընկան Աննիկին ուղղված
Վարպետի նամակները՝ գրված 1904—1905 թթ. և մեկ նամակ՝ ուղղված Արիս-
տակես Տերտերյանին (Աննիկի քրոջ ամուսինը):

Երբ բանաստեղծի սրտում զեռ չէր մարել առաջին սիրո հրդեհը, երբ վեր-
քր զեռ չէր սպիացել նրա հոգում, նա իր կյանքի ճանապարհին հանդիպում է
Աննիկին:

Աննիկը (Աննա Մատակյանց) Շուշիկի կրտսեր քույրն էր: Նամակներից
տարգվում է, որ Շուշիկի ամուսնությունից հետո էլ Իսահակյանն այցելել է
նրա ձնոդներին (ներանց հետ նաև ազգակցական կապ ունեն) և այնտեղ հա-
ճախ է հանդիպել Աննիկին: Բանաստեղծն իր վշտերի միջ սկզբում չի նկա-
տում նրան, երեխայի տեղ է զենում, իսկ երբ հեռանում է, ուրախացնելու հա-
մար փոստային բացիկներ է ուղարկում նրան: Աննիկը, այդ վերաբերմունքից
զգացված, շնորհակալական նամակ է գրում: Սկսվում է նամակագրությունը
նրանց միջև: Վարպետը պատասխանում է նրա նամակներին, բարեկամի ու
ավագի իրավունքով խորհուրդներ տալիս: Շարունակվում են նաև հանդիպում-
ները: Այդպիսով նրանց միջև սերտ մտերմություն է առաջանում, որի ընթաց-
քում էլ բանաստեղծը ճանաչում է Աննիկին: «...Ես ըմբռնեցի,— գրում է Իսա-
հակյանը,— որ գործ ունեմ մի լուրջ հոգու հետ. ես քեզ երեխա էի կարծում,
բայց հիմա զգում եմ, որ դու խորը և երազուն մարդ ես, որ դու այս աշխար-
հից շեւս, որ քու աչքերի մեջ երկնքի լույսից կա, որ դու ճառագայթ ես...»:

Բանաստեղծը տեսնում է, որ Աննիկը շատ բանով տարբերվում է իրեն
հասակակից աղջիկներից, ժամանակը դատարկ ու սնիմաստ անցկացնող
գիմնադիսուսիկներից, որ նա իղևալներ ունի, ձգտումներ, երազներ, կար-
դում է, հետաքրքրվում կյանքով, որ ըմբոստ է ու չի հնազանդվում իր շրջա-
պատի նախապաշարումներին, բարքերին: Այս ամենն էլ հենց գրավում են
բանաստեղծի սիրտը: Երկուստեք նամակները վերածվում են սիրո խոստովա-
նությունների: Նամակներից երևում է, որ սկզբում Վարպետն աշխատել է իր

մեջ դսպել այդ զգացմունքը, որը սակայն գնալով խորանում է, և առաջին սիրո մոխիրների վրա մի նոր հրդեհ է բռնկվում՝ նախկինի պես զորեղ, նախկինի պես պուլալ ու պայծառ։ Ու հափշտակվում է քնքուշ սրտի տեր բանաստեղծը՝ Աննիկին համարելով իր ստեղծագործությունը, իր երազը։

Աննիկին գրած նամակները սոսկ սիրային նամակներ չեն, այլ բանաստեղծի ապրումների զրսևորումը, խորապես ապրած զգացմունքները, որոնք հեղեղի նման դուրս են հորդում նրա սրտից։ Դրանք նամակներ չեն սովորական հասկացողությամբ, այլ Վարպետի ստեղծագործության օրգանական շարունակությունը, առանց որոնց չի կարելի պատկերացնել նրա հարուստ գրական ժառանգությունը։ Դրանք գեղարվեստական ստեղծագործություններ են, արձակ պոեմներ, որոնց մեջ բանաստեղծը իրեն հատուկ անկրկնելի պատկերներով ու հզոր ուժով արտահայտում է իր հույզերն ու զգացմունքները, իր վերաբերմունքը մարդու և աշխարհի նկատմամբ։

Այնքան բնական ու անկեղծ են նրա զգացմունքները, խոսքը այնքան հուզիչ ու պատկերավոր, որ երբեմն մնում է միայն չափի վերածել, իսկ երբեմն՝ դրա կարիքն էլ չի զգացվում։ Ինքը՝ բանաստեղծը՝ այդ նամակներում լեզած շատ պատկերներ, տողեր հետագայում նույնությամբ օգտագործել է իր ստեղծագործություններում։

Բանաստեղծը հանձին Աննիկի գտել է իր երազ-աղջկան և ամբողջովին նվիրվել նրան։ Աննիկին նա սիրում է անսահման սիրով՝ երկնքի պես մեծ, երկնքի պես խոր, դուլալ ու մաքուր։ Խորապես մարդկային է բանաստեղծի սերը, անկիրք ու աննյութ, նա սիրում է տիեզերական սիրով և հենց դրա համար էլ չի կամենում որևէ կերպ աղարտել նրա կուսական անբիծ մաքրությունը, ձգտում է միշտ անաղարտ, միշտ անապական տեսնել նրան։

«Իմ անգին, իմ պայծառ Աննիկ ջան, իմ ընկեր, իմ մաքուր սեր,—գրում է Իսահակյանը,— ասա, ինչ որ կուղես՝ ես կատարեմ քեզ համար. ամենադժվարին բաները, անկարելի բաները. մեռնել քու երազների համար. դու ի՛մ շքեղ, ի՛մ դուլալ երազ... Եղիր միշտ այդպես լավ, այդպես մաքուր, այդպես կուսական. թող ոչ ոքի շուռը չդիպնի քեզ, ոչ ոքի ձեռքը չհասնի քեզ. և իմ, և իմ. դու երկինք եղիր իմ հոգու համար՝ ձգտեմ, թռնեմ քեզ և մեռնեմ քու կապույտ, քու լազուր, քու ջինջ հոգում»։

Հիրավի Աննիկը Իսահակյանի ստեղծագործությունն է. նա անթերի է, կատարյալ ու ամբողջական։ Վարպետը իր վառ երևակալությամբ լրացրել է նրան, որովհետև ցանկանում է այդպես կատարյալ ու անթերի տեսնել իր երազների աղջկան։

«Ես սիրո՞ւմ եմ Աննիկին,— գրում է նա Արիստակես Տերտերյանին,— ավելի, քան նրան կսիրեր քառասուն եղբայր. բայց իմ սերը այս աշխարհից չէ, նրա մեջ ֆիզիոլոգիա չկա և իմ հոգին ձգտում է դեպի նրա հոգին՝ ինչպես արտուտը դեպի արևը՝ գիտենալով, որ արևին չեմ հասնի և հասնելուս կայրվեմ ու իմ մահը կլինի. ո՞վ է Աննիկը ինձ համար—նա իմ ստեղծագործությունն է՝, իմ հոգեկան աշխարհի, իմ երազների ամենաբանաստեղծական սփինքսը, որը իրոք գոյություն ունի. և ես խնդրում էի Ձեզ, որ դուք ներշնչեիք Ձեր շրջանին, որ կոպիտ ձեռնհրով չցնդեին իմ երազը»։

1 Ընդգծումները Վարպետինն են։

Մեծ հումանիստ է բանաստեղծը. նեղ, անձնական զգացմունքները չեն, ոչ էլ կրքերը, որ առաջնորդում են նրան, այլ բարձր մարդասիրական զգացմունքները. նա ցանկանում է երջանիկ տեսնել Աննիկին, ուր էլ որ նա գնա, որտեղ էլ իր բույներ հյուսելու լինի:

«Այսուհետև ուզում եմ, որ դու ինձ հավատաս այնպես, ինչպես հավատացյալը հավատում է աստծուն. ես միշտ ազնիվ, միշտ աստվածային կմնամ դեպի քեզ և ոչինչ չեմ ուզում քեզնից. եղի՛ր աստծու ազատ թռչունի պես՝ շինի՛ր քո բույներ՝ ուր ուզում ես, և ում հետ ուզում ես. ես սրտիս խորքից կնպաստեմ քո երջանկության շենքը շինելուն»:

Բուռն է Վարպետի սերը, կրակոտ ու հզոր. երբեմն սովորական պատկերները չեն բավարարում իր զորեղ զգացմունքներն արտահայտելու համար. նա բոլորովին նոր պատկերներ է ստեղծում, երբեմն էլ դիմում է ժողովրդական ստեղծագործությանը հատուկ հիպերբոլիկ պատկերներին. կարծես ինքր լպոսի դուցազն է, շարը խափանող, ամենազոր, առասպելական մի հերոս, որ պատրաստ է ամեն ինչ անել իր սիրած էակի համար, նույնիսկ կյանքը տալ. «Ես անկարելին կարելի կդարձնեմ քեզ համար,— գրում է նա,— ես քառասուն զխանի դեին կսպանեմ քեզ համար. ես անմահության խնձորը կբերեմ քեզ համար. ես արևը, աստղերը, ամբողջ աշխարհը կնվիրեմ քեզ. ես իմ կյանքս, իմ կյանքս կտամ քեզ...»:

Նա պատրաստ է իր կյանքի գնով պաշտպան կանգնել Աննիկին, ամեն ինչ անել, միայն թե նրան երջանիկ տեսնի: «Իմ գերագույն հաճությք պիտի լինի,— գրում է նա,— քու կյանքի ճամփեն դարձնել պայծառ, գեղեցիկ ու երջանկալի. արյունով կնեղեմ իմ քայլերս ու ձեռներս՝ ով որ խոչընդոտ կանգնի քու երջանկության առաջ...»:

Անբիժ մաքրություն, անկեղծ հավատ կա բանաստեղծի զգացմունքների մեջ: Նա մաքուր ու անմեղ «հրեշտակային գուրգուրանքի» կարոտ է և կարծես թե գտել է այդ ամենը: Բայց դեռ տատանմունք կա Աննիկի մեջ, և դա ավելի բուռն, ավելի կրակոտ է դարձնում նրա սերը.

«Եվ այս ամենից հետո դու, իմ հպարտությունս, մի՛թե կարող ես կասկածել. ո՛չ և միշտ ո՛չ. դու հավատացի՛ր ինձ և քու կյանքի նավն ու դեկր հանձնիր ինձ. ես գերասքանչ ճիզերով կաշխատեմ, կղեկավարեմ քու փխրուն, քու նազելի նավը կյանքի կատաղի ծովի մեջ, ալիքների դեմ. կուրծքս պատեն լկանդենեցեմ փոթորկի առաջ և քեզ կհասցնեմ լույսի, գեղեցկության, վեհության ափերը...»:

Նամակներն ուշագրավ են նրանով, որ դրանք ավելի անմիջական ու ամբողջական կերպով բնութագրում են Բազակյանին՝ իրրև գրողի և քաղաքացու: Վարպետը ասես բաց է անում իր սիրտը, իր հոգու երկինքը, և մենք մեր առջև տեսնում ենք ոչ միայն մեծ սիրահարին, այլև մեծ հումանիստին ու մեծ հայրենասերին:

Զուտ անձնական զգացմունքը չէ, որ այդպես հրդեհել է բանաստեղծի սիրտը. ընդհակառակը, նրա սերը խորապես իմաստավորված է, խիստ մարդկային, հեռու է նեղ, անձնական, եսասիրական զգացմունքներից: Այդ սերը պայմանավորված է մարդու և աշխարհի, հայրենի երկրի նկատմամբ ունեցած անսահման սիրով: Սերը բանաստեղծի համար ամենից առաջ կյանք է, երազ. առանց որի ապրել չի կարող: Մաքուր ու նվիրական սերը նրա համար նեցուկ է այդ աննեցուկ աշխարհում: Իսկական, անբիժ սերը վեհացնում է մարդուն,

ոգևորում, թևեր է տալիս ու մղում դեպի բարձունքները, դեպի կատարելություն: Հենց այդպիսի սեր է պահանջում նա Աննիկից:

«...Ես կարող եմ սիրելու՝ մահից պոռեղ սիրով, և եթե չեմ գտնում այդպիսի մի սիրտ, — ես իմ սերս վերքի պես կպահեմ հոգումս և կընկնեմ թափառելու: Դի՛ թող ինձ թափառելու, սիրի՛ր ինձ աստվածներին վայել սիրով: Կահիր ինձ քո հոգում, իմ լավ Աննիկ, և մղի՛ր ինձ դեպի ճշմարտություն, դեպի բարձունքները, դեպի կատարելություն»:

Նամակներում արտահայտված է Իսահակյանի սիրո փիլիսոփայությունը, այն սկզբունքներն ու հայացքները, որոնք կազմում են նրա սիրո լիրիկայի հիմնական բովանդակությունը: 1904—1907 թթ. գրած մի շարք ստեղծագործություններ բանաստեղծի այս շրջանի ապրումների ու զգացմունքների անմիջական արտահայտությունն են («Դու անցորդի պես քեզ միայն զգա», «Նրանք իմ կյանքը երազ գարձուցին», «Քույր իմ նազելի...», «Քնքուշ տատրակս...», «Կնոջն ուզեցի հավատալ նորից»): Այս ամենը մի անգամ ևս վկայում են, թե ինչպիսի սերտ ներդաշնակություն գոյություն ունի Իսահակյանի ստեղծագործության ու կյանքի միջև: Նրա բոլոր ստեղծագործությունները կյանքից են գալիս: Դրանք բանաստեղծի անձնական ապրումների, տեսածի ու զգացածի պեղարվեցած արտահայտություններ են, և այդպիսին լինելով հանդերձ, միաժամանակ խորապես համամարդկային են, ճշմարտացի, անկեղծ ու բնական, որոնցով և պայմանավորվում է նրանց արժեքը:

Բանաստեղծն ազատ սիրո կողմնակից է. նա կամենում է սիրել, թե՛ փորվել, ապրել այդ սիրով, բայց և ծառայել իր հայրենիքին, օգնության հասնել զրկված ու տառապած հոգիներին: Աննիկն էլ սկզբում համամիտ է եղել դրան, բայց դա երազ էր, անիրական երազ:

«Այն սերն է բարի ու վեհ, երբ մարդուն թոցնում է դեպի երկինք, ազնվացնում, կրթում է մարդու հոգին... կարող ես հոգիս միշտ թարմ ու սավառնող պահել. թե՛ պիտի կապես-կաշկանդես և փշրես թևերս: ա՛խ, սիրի՛ր ինձ, բայց մի՛ տիրիր. անհագ որոնիր մի վեհ ընկերի, սիրիր, բայց սիրուն մի լինիր գերի. սիրիր, բայց և թող և նորից գնա... Աննիկ ջան, հոգի ջան... մեր սերը թող լինի ոչ այս աշխարհից. հողեղեն չլինի. սիրենք իրար հեռավոր աստվերի պես. իրարուց հեռու, իրար սրտի մեջ...»: Երկնային, մաքուր սիրո գաղափարը Իսահակյանի սիրո լիրիկայի բնորոշ արտահայտությունն է:

Մի առիթով Իսահակյանը գրել է, որ առանց սիրո ոչ մի բանաստեղծ չի կարող քնար հնչեցնել: Սերը և տառապածների նկատմամբ ունեցած կանկյանքը միշտ անբաժան են եղել Վարպետից:

Մեծ սրտի, մեծ հոգու տեր բանաստեղծը իր սիրո մեջ էլ տառապում է ուրիշների վշտերով, կամենում է պետքական լինել մարդկանց: Թեև խոր, լայնաբերան վերք կա նրա սրտում, որը չի փակվում ու մխում է հար, բայց նա այդ անծայր վշտի մեջ էլ պատրաստ է սփոփանք դառնալ վիրավոր սրտերին, իսկ թարել հուսահատներին:

«...Երբ կհուսահատվես՝ ինձ գրիր, ուր որ վի՛լ լինեմ, ես քեզ մխիթարանք և օգնություն կհասցնեմ. ես շատ տանջված ու տառապած հոգի եմ, և փորձված ու հաղթող դուրս եկած, և միշտ պատրաստ եմ քեզ պետքական լինել, ինչպես և բոլոր մարդկանց. դա է իմ միակ սերս ու իղձս. պետքական լինել մարդ-

կանց, ավելի ու ավելի պետքական, նույնիսկ հացից, ջրից, օդից ու լույսից ավելի պետքական...»:

Նույնիսկ հասարակ պոստ-կարտերով նա ցանկանում է ուրախություն պատճառել ուրիշներին. «Մարդ պետք է աշխատի ուրիշին պետք գա, ուրիշին ուրախություն պատճառել», — գրում է նա:

Իսահակյանը լավատես է կյանքի նկատմամբ, որը դարձյալ պայմանավորված է նրա հումանիզմով, մարդկանց օգտակար լինելու գաղափարով. նա լավ է ճանաչում իր ժամանակի աշխարհը, մարդկանց, «լիր օրենքներն ու ծովածավալ անմաքրությունը կյանքի», բազում վշտեր է տեսել, փորձություններ ու տառապանքներ, բայց միշտ էլ հաղթող է դուրս եկել, չի հուսափատվել, գլուխը չի կորցրել: Նա խորհուրդ է տալիս Աննիկին նույն կերպ վարվել:

«...ուժ, ուրախություն պետք է ամբարել, հավաքել կյանքի վշտերին, հարվածներին դիմադրելու համար. այո, պետք է կենսուրախ լինել, պայծառ, գարնան պես թարմ ու զվարթ. իհարկե կգան ցուրտ ու դառն օրեր, երբ մարդու դեմքին ժպիտ չի գալ ու սիրտը կճմլվի... այդպիսի օրերի համար պետք է զինված լինել, որ հոգու առույգությունը կռվել, շահվել և միշտ՝ արևի պես փայլուն ու ջերմ, առաջ գնալ կյանքի մեջ և մարդկանց, թշվառներին սիրտ տալ, ջերմություն տալ...»:

Իր երկրի բախտով տառապող բանաստեղծը սիրո քնքշագին զեղումների մեջ էլ մտահոգվում է ժողովրդի ճակատագրով: Սիրո երջանկությունը նա փնտրում է հայրենիքին ծառայելու, մարդկանց օգտակար լինելու մեջ: Սիրո խոստովանություններից առաջ նա Աննիկին հիշեցնում է մեր ժողովրդի դրությունը, խորհուրդ տալիս՝ լավ հայերեն սովորել, գրքեր կարդալ, ժամանակն անօգուտ չանցկացնել. «...մանավանդ որ հայոց դրությունը այնքան լուրջ է, որ պահանջում է, որ մարդ առհասարակ մտածե, պարապի և մեր թշվառությունները ու ստրկությունը աչքի առաջ ունենալով՝ տխրի ու օգնության, ելքի մասին մտածե, ով ինչով կարող է... կուզենայի ամեն հայ այդպես լինել, մանավանդ ջահելները, որ նոր պիտի ապրին, որոնց վերա է ծերերի աչքը»: Հաջորդ նամակում նորից հիշեցնում է մեր ժողովրդի դժոխային գրությունը և խորհուրդ տալիս լավ հայերեն սովորել:

Վարպետը Աննիկի մեջ ամենից առաջ գնահատում է մարդուն և ամեն ինչով ուզում է կատարյալ տեսնել նրան. խորհուրդ է տալիս, նույնիսկ պահանջում է անկեղծ լինել, ինչ որ հատուկ պետք է լինի մարդուն: «Ինչ որ սրտումդ է, — գրում է Իսահակյանը, — թող նա էլ լեզվիդ վերա լինի և գրչիդ ծայրին»:

Անկեղծությունը բանաստեղծի իդեալներից մեկն է. նրա ամբողջ ստեղծագործությունը անկեղծությամբ է համակված: Բանաստեղծը անսահման հավատ ունի կյանքի նկատմամբ և ձգտում է այդ հավատը ներշնչել նաև Աննիկին: Ժամանակի անհրապույր իրականության հասցրած վշտերն ու տառապանքները հաղթահարելու համար նա Աննիկին առաջարկում է իր իդեալները.

«Ձուր ես քո վշտերը ավելի մոայլ գույներով թանձրացնում, մի փոքր թեթև նայիր, երգիր, հուսադրվիր. և այդ ամենը կանցնի, կանցնի, այնպես, ինչպես մշուշը ցնդվում է երկրի վրայից, երբ արևը ծագում է, իսկ քո արևը լինի թող քո իդեալները — բարի լինել, ազնիվ, սիրող սրտի տեր, քնքուշ, մարդասեր»:

Նա մեղադրում է Աննիկին աննպատակ անցկացրած օրերի համար. կյանքը պետք է նպատակ ունենա, իմաստավորված լինի, խորհուրդ է տալիս երաժշտության դասեր առնել. «Մի բան էլ, փոխանակ գնալու այս մորթուրի կամ հորթուրի տունը և ժամանակ կորցնելու լավ կլինի, որ մուզիկ սորվես. դաշնամուրի վրա նվագես. տիկին Աստղիկը բավական գիտե. մուզիկան մարդու սիրտը շատ է կրթում ու ազնվացնում և մաքրում և գեղեցիկ երազներով լցնում, որը և մեծ մխիթարանք է այս տգեղ կյանքում: Խորհուրդ եմ տալիս դասեր վերցնես կամ Աստղիկից կամ մի լավ գիտցողից. թե չէ ինչ նպատակ ունի—քնել-ելնել, ուտել-խմել և միշտ այդպես... ձանձրալի է»: Ինքն էլ աշխատում է նպաստել նրա ընդհանուր զարգացմանը, դեպի գործ ու իդեալներ մղել. խոստանում է նամակներում գրել փիլիսոփայության, գրականության և զանազան այլ հարցերի մասին, սովորեցնել բանաստեղծություն գրելու արվեստը (Աննիկն էլ բանաստեղծական փորձեր է կատարել):

Ինչպես իր ստեղծագործություններում, այնպես էլ նամակներում Իսահակյանը հավերժական սիրո գաղափարն է առաջ քաշում, հավիտենական սիրո մեջ է տեսնում իր նպատակը:

«...Իմ նպատակը— հավիտենական սիրո մեջն է,— գրում է նա (ընդգծումն իրենն է),— որ ապրում է իմ բոլոր ատոմների մեջ, որից ինձ ոչ ոք չի կարող զրկել... Նա կապրի իմ գերեզմանից հետո էլ դեռ—իմ անմահ ատոմների հետ...»:

Այդ նույն գաղափարն է ընկած «Հավերժական սեր» լեգենդի հիմքում:

Ժամանակը իր վախճանին կհասնի:
Եվ արևը մի բուռ մոխիր կդառնա,
Բայց իմ սերը վախճան չունի, հուն չունի.
Նա հավերժ է, նա անշեջ է, նա անմահ:

Նամակների և ստեղծագործության միջև եղած այս սերտ կապը ցույց է տալիս, որ Իսահակյանի նամակները ոչ թե միայն անմիջական տրամադրությունների, զգացմունքների թելադրանքով են գրված, այլ նրանցում արտահայտված են աշխարհի, մարդու և սիրո վերաբերյալ բանաստեղծի արդեն ձևավորված հայացքներն ու սկզբունքները:

Բայց այդ իրականության մեջ Վարպետին վիճակված չէր հասնել իր երազների իրականացմանը, նորից արյունոտվում է բանաստեղծի սիրտը, նորից խորտակվում է նրա հավատը և ծանր ողբերգություն է ապրում նա:

Այդ տրամադրությունն է արտահայտված Վարպետի՝ «Կնոջն ուղեցի հավատալ նորից» բանաստեղծության մեջ, որ գրել է 1905 թ., հավանաբար այդ օրերին:

Կնոջն ուղեցի հավատալ նորից,
Հալ ու երազել առաջվա նման,
Բայց արյունոտվեց խեղճ սիրտս նորից,
Եվ որբ մնացի և թափառական:

Թեև Աննիկը նույնպիսի անկեղծությամբ սիրում էր Վարպետին, թեև համարձակ էր ու ըմբոստ, այնուամենայնիվ չի կարողանում դեմ դուրս գալ իր փաղեքենիական միջավայրին, նախապաշարմունքներին: Աննիկին շրջապատող

միջավայրը (ծնողները, բեռիներն ու փեսաները)՝ երկրորդ անգամ արհամարհում է բանաստեղծին, ցնդում նրա նվիրական երազը՝ խոր վերք բաց անելով նրա առանց այդ էլ վիրավոր սրտում: «...Ձերոնք լուսեղենն սիրտս տրորեցին իրենց ոտների տակ»,— խոր վշտով գրում է բանաստեղծը: Արհամարհում է, որովհետև մաքուր ու նվիրական սիրո զաղափարը անհասկանալի էր այդ միջավայրի համար, խորթ, ամեն ինչ նրանց համար նյութական էր, ամեն ինչի մեջ վերջնական հաշիվն ու նպատակն էին փնտրում, մարդկային զգացմունքներն էլ «ինժեներական-տեխնիկական պլաններով շափում» (ԱՎ. Իս.): Եվ բանաստեղծը խորապես զգում է այդ դաժան իրականության մեջ եղած հակասությունները, համոզվում է, որ դա միայն իր անձնական ոգրերգությունն էր չէ, այլ պայմանավորված է ժամանակի սոցիալական հարաբերություններով, նյութապաշտ, բիրտ ու անտարբեր աշխարհի իրականություն, որը չնշում էր մարդու միտքն ու զգացմունքը, որտեղ բանաստեղծը ոչ մի վեհ ու լավ բան չէր տեսնում: Նա վերջնականապես համոզվում է, որ եթե իր փոխարեն «մի բուրժուայի լակոտ կամ մի ինժեներ»՝ նստած լիներ Աննիկի կողքին, ապա խնդիրն այլ ընթացք կստանար: Եվ դալրացած ու վրդովված՝ իր դասման խոսքն է ուղղում այդ անարդար աշխարհի դեմ, այն աշխարհի, որի մասին գեռես 1903 թ. բանաստեղծը գրում էր.

Ավա՛ղ լուսնի տակ և վեհ բան չը կա,
Ամեն ինչ կուպիտ, բիրտ, անասնական,
Աննյութ, անմարմին, անկիրք սեր չը կա,
Ա՛խ, մաքուր սերը երազ է միայն:

Արիստակես Տերտերյանին գրած նամակում նա, մոռացած իր նամակների նախկին քնքշությունը, բողոքում է, վիճում, պաշտպանում իր իրավունքները, արժանապատվությունը, իրեն բարձր դասում նրանց նեղմիտ, նյութապաշտ շրջանից: «Կարող է պատահել,— գրում է նա,— որ սարերի արծիվը մեկ-մեկ ավելի ցածր թռչի գիշակեր, ազա՛հ ազոավից, բայց չէ՞ որ ազոավը երբեք չի կարող սարերի արծիվից բարձր կամ հավասար թռնի»¹:

Վերջին նամակում (թվագրված 4/8—1905 թ.) Վարպետը թեև սպասում է պատասխանի, բայց արդեն ինչ-որ սառնություն է զգացվում: Ամենայն հավանականությամբ գրանով էլ ընդհատվել է նրանց նամակագրությունը և մտերմական հարաբերությունները:

¹ Պատմում են, սակայն, որ Աննիկը մինչև իր կյանքի վերջն էլ սրտի խորքում անթեղված պահել է բանաստեղծի նկատմամբ ունեցած ջահել օրերի իր

¹ Այս տոգերը Վարպետը հետագայում օգտագործել է իր «Մեղրի և զղման երգեր»-ում:

Բարձր լեռների արևիվը մեկ-մեկ
Ազա՛հ ազոավից ցածր կը թռնի.
Ուկայն զաշտերի ազոավը երբեք
Հզոր թռիչքին չ'ըրա չի հասնի:

նվիրական սերը: Նա պահել է Վարպետի նամակներն ու ձեռագրերը, իրեն սուրբ մասունքներ, ու սրբազան երկյուղածությամբ մոտեցել դրանց: Ասում են, կյանքի վերջին օրերին, երբ մենակ էր արդեն, ամեն իրիկուն, ուրիշներից պաղտնի, խոր լուռության մեջ հանում էր Վարպետի նամակները, կարդում, երկա ր-երկար նայում դրանց, հուզվում ու արտասվում իր անցած ջահելության, կորցրած սիրո, խորտակված երազների համար:

Իսահակյանի նամակները, ինչպես ինքը կասեր, ապնվացնում, վեհացնում են մարդու հոգին, թևավորում նրան, լցնում ապրելու և սիրելու ջերմ զգացմունքներով:

Ստորև տպագրում ենք այդ նամակներից մի քանիսը:

Շ. Գրիգորյան

* * *

Ձէի սպասում, որ պոստ-կարտերի համար առանձին շնորհակալական նամակ կգրես,— երևում է, որ քաղաքավարի ես, Աննա Բերոյան: Բայց ի՞նչ մի մեծ բան են պոստ-կարտերը, որ գրում ես, թե էլ մի ուղարկիր, քեզ էլ չի մնա. ամենից առաջ ես ավրում չեմ պահում, այլ պոստ-կարտեր առնում եմ ընկերներիս ու բարեկամներիս գրելու համար, և եթե մեկը հավաքում է, ինչո՞ւ ուղարկել նրան, շուրախացնել. մարդ պետք է աշխատե ուրիշին պետք դա, ուրիշին ուրախություն պատճառե, ինչքան որ կարող է. իհարկե պոստ-կարտերը չնչին բան են, և դրա պատճառած ուրախությունը նույնպես չնչին. բայց խոսքս ճշմարտություն է:

Դու գրում ես, Աննիկ, թե երբեք մոտդ չամաչեցի, որ ուսերեն չգիտեի. դա ի՞նչ ամաչելու բան է. դու հայ աղջիկ ես և պարտական ես մայրենի լեզուդ լավ գիտենալ, այն ինչ ինձ գրած նամակիդ մեջ շա՛տ տառասխալներ կային. այնպես որ չեմ ների քեզ. դու պիտի աշխատես լավ հայերեն գիտենալ. աղատ ժամերիդ վեր առ հայերեն գրքերից արտագրություններ արա. կամ շարագրություններ դրիր և տուր ինձ կամ Օհաննես քեռուն՝ ուղղե. ա՛յ, դրա համար ես կուղենայի, որ դու ամաչես:

Երևում է, որ դու ծույլ չես, բայց օրերդ շատ անօգուտ ես անցնում. նստում եք Կատյուշի հետ և շարունակ ծիծաղում եք ու ծիծաղում. այդպես չի կարելի.— մանավանդ, որ հայոց դրությունը այնքան լուրջ է, որ պահանջում է, որ մարդ առհասարակ մտածե, պարապի և մեր թշվառությունները ու ստրկությունը աչքի առաջ ունենալով՝ տխրի ու օգնության, ելքի մասին մտածե, ով ինչով կարող է:

Ես իհարկե չեմ ուղում քեզ խրատներ տալ, բայց կուղենայի ամեն հայ տղայիս լինել. մանավանդ ջահելները, որ նոր պիտի ապրին, որոնց վերա է ձեռքերի աչքը:

Հետո՞ դու գրում ես, որ նամակս մտերմական դուրս եկավ. մեղա՞ աստծու, հո՛ մեղք չը գործեցիր. ի՞նչ կար որ... ընդհակառակը մարդ պիտի անկեղծ ու միշտ անկեղծ լինի. ինչ որ զգում ես՝ ասա, ինչ որ ուզում ես՝ արա. մի ասի՛ր՝ թե չի կարելի այս բանն ասել, այն չասել. ինչ որ սրտումդ է, թող նա էլ լինի լսելիիդ վերա ու դրչիդ ծայրին. հայերս, մանավանդ հայ-աղջիկները շա՛տ խորամանկ են. կեղծում են, ձևացնում են ու պաշտոնական հիմար լեզու բա-

¹ Նկատի ունի բանաստեղծ Հովհաննես Կոստանյանին:

նեցնում. դա անազնիվ բան է. և մեր մեծերը մեզ փշաքրել են իրենց քարոզ-
ներով՝ թե ծանր եղի՛ր, քեզ ծանր պահի՛ր. քիչ խոսի՛ր, թեթև մի լինի՛ր. շատ
ի՛նչ խնդա՛. լավ նստի՛ր և այլն:

Մի բան էլ — փոխանակ գնալու այս մորքուրի կամ հորքուրի տունը՝ և ժա-
մանակ կորցնելու՝ լավ կլինի, որ մուգիկ սորվես. դաշնամուրի վրա նվագես.
տիկին Աստղիկը բավական գիտե. մուգիկան մարդու սիրտը շա՛տ է կրթում ու
ազնվացնում և մաքրում և գեղեցիկ երազներով լցնում, որը և մեծ մխիթա-
րանք է այս տղեզ կյանքում. խորհուրդ եմ տալիս դասեր վերցնես կամ Աստ-
ղիկից կամ մի լավ գիտցողից. թե չէ՝ ի՞նչ նստատակ ունի — քնկ-եղնեղ, ու-
սեղ-խմեղ և միշտ այդպես... ձանձրալի է...

Երում ես, որ ներողություն, որ ինձ ձանձրացնում ես նամակովդ. շա՛տ
սխալ ես. շա՛տ ուրախացա, որ նամակդ ստացա. ինչպես ամեն մարդու սիրտ,
իմ սիրտն էլ ուրախանում է նամակներ ստանալուս. այնպես որ հոր բարե-
հաճես՝ կարող ես գրել:

Ես ապրում եմ Ավոյի հյուրանոցում և դեռ մի շաբաթ կմնամ այստեղ.
հետո կգամ Գյումրի: Է՛հ, հերիք է. քունս տանում է, ժամի համարյա 1-ն է.
բարի գիշեր, Աննիկ:

Բարեններով Ավետի՛լ

Ներողություն, որ քեզ հետ «դուք» ով չեմ խոսում, դու ինձ համար միշտ
նույն փոքր Աննիկն ես:

Ց-ն հոկտեմբերի 1904

Թիֆլիզ

* * *

Նամակիցդ երևում է, որ վշտացել ես, Աննիկ, իսկ ես հրեք չեմ ուզեցի
քեզ դառնություն պատճառել. որովհետեւ ես չեմ կարող ընդունել, որ դու ծույլ
ես, կամ դատարկամիտ, դատարկասիրտ, ընդհակառակը՝ ես հավատացած
եմ, որ դու ոսկե սրտի տեր ես, և քո տարիքիդ ու կրթությանդ համաձայն՝
շա՛տ զարգացած, բան գիմնագիտներում բաշ եկող աղջիկները. նրանք մենակ
դասեր են ուզում սովորել, այն ինչ քո հոգիդ ուզում է, ծառավում է լույսի,
գիտության:

Այն նամակիս մի՛ ուշք դարձրու, բայց նորից խնդրում եմ թե հայերեն
լավ սովորիր և միևնույն ժամանակ պարապիր ռուսերեն ընթերցանությամբ.
ես հրեք այն կարծիքի չեմ, թե դու հայրենասեր չես և չես մտածում մեր
ղժոխային դրության վերա. և նույնիսկ չեմ էլ ուզում, որ այդ քնքուշ տարի-
քիդ ծանրաբեռնիս հոգեմաշ վշտերով. — դու շա՛տ խելոք ես նկատում, որ
ուժ, ուրախություն պետք է աճբարել, հավաքել կյանքի վշտերին, հարստացնե-
լին դիմադրելու համար. այո՛, պետք է կենսուրախ լինել, պայծա՛ռ՝ զարնան
պես թա՛րմ ու զվա՛րթ. իհարկե կզան ցո՛ւրս՝ ու դա՛ռն օրեր՝ հոր մարդու
դեմքին ժպիտ չի գալ ու սիրտը կճմլվի... այդպիսի օրերի համար պետք է
զինված լինել, որ հոգու առույգությունը կուլի, չհաղթվի և միշտ՝ արևի պես
փայլո՛ւն ու ջե՛րմ, առաջ գնալ կյանքի մեջ և մարդկանց, թշվառներին սիրա-
տալ, ջերմություն տալ. բայց դու գրում ես շատ տխուր զգացմունքների մա-
սին, որ քո դալար-կանանչ սիրտդ հիմա կրծում են ու մաշում. ես խորին ցավ

վզացի՝ այդ տողերդ կարդալով. մի՞թե քեզ պես մի մաքուր, բյուրե՜ղ հոգին, որ ոչ ոքին դեռ չէ վիրավորել, և դեռ աշխարհի փշերը չէ քաղել՝ այդքան վիշտ ու թախիժ ունի, որ մահ է ուզում անգամ. ես անիծում եմ ինձ, որ քո վերքերին դիպա. ես իրավունք չունեի. բայց, Աննիկ ջան, ինչո՞ւ, ի՛նչ կա. քո կյանքը, դարունը, արև-օրերդ դեռ առջևդ են. ինչո՞ւ այդպես մռայլ ես նայում աշխարհի վերա. ես չեմ կասկածում, որ վիշտ ունիս, որ այդ տարիքումն էլ զառնություն կա. ես ինքս այդ հասակում ինքնասպանության մասին էի մտածում, բայց իզուր, — իզուր որովհետև ես համոզվեցի, որ այն օրերը դեռ ավելի նշխուն էին ու սրբազան քան հիմա, բայց հիմա Լոբեք աֆնքան չեմ տանջվում. փորձվեցի, համոզվեցի, որ պիտի դիմանալ, տանել և երբեք զլուխը չկորցնել. չէ՞ որ կան և լա՛վ օրեր, բնկերներ, զո՞րժ, իղեալներ... ինչո՞ւ փոքրոգի լինել, հուսահատվել, և դու՜ զուր ես քո վշտերը ավելի մռայլ գույններով թանձրացնում, մի փոքր թեթև նայիր, Լոբեք, հուսադրվի՛ր. և այդ ամենը կանցնի, կանցնի, այնպես ինչպես մշուշը ցնդվում է Լոբկի վրայից, երբ արևը ծագում է, իսկ քո արևը լինի թո՛ղ քո իղեալները — բարի լինել, ազնիվ, սիրող սրտի տեր. քնքուշ, մարդասեր:

Ես համոզված եմ, որ այսուհետև էլ այդպիսի բաներ չես մտածել, չէ՞, էլ չես մտածելու. իսկ երբ կհուսահատվիս՝ ինձ գրիր, ուր որ էլ լինեմ. ես քեզ մխիթարանք և օգնություն կհասցնեմ. ես շա՛տ տանջված ու տառապած հոգի եմ, և փորձված ու հաղթող դուրս եկած, և միշտ պատրաստ եմ քեզ պետրական լինել, ինչպես և բոլոր մարդկանց. դա է իմ միակ սերս ու իղձս, պետքակուն լինել մարդկանց, ավելի ու ավելի պետքական, նույնիսկ հաղից, ջրից, օդից ու լույսից ավելի պետքական. բայց իհարկե ուժ չունիմ. բայց ինչքան էլ որ ունենամ — պատրաստ եմ անձնվիրաբար:

Ես կուղևի երկարորեն գրել ու խոսել, բայց աչքերս ցավում են այս երկու օրս՝ զիշերները ուշ էի գնում ու պարապում էի՝ զրգովեցին. բայց դու գրի՛ր երկար և մի կարծի՛ր թե՛ զահլես տանում ես. ես առանձնապես շատ եմ սիրում ջահել հոգիների հետ հաղորդակցություն ունենալ. նրանք իմ վերա միշտ թարմացուցիչ են ազդում. Շուշեցի մի օրիորդ՝ Զողա Միրզոյան անունով, այս երկու տարի է ինձ նամակ է գրում. ես էլ իրեն. նա հիմա 14 տարեկան է. նրանից նամակ ստացած օրս՝ ես միշտ ուրախանում եմ. անմե՛ղ-անմե՛ղ գրում է՝ մանավանդ դեռ 12—13 տարեկան ժամանակը:

Ես դեռ մի 10 օր, զուցե ավելի մնամ. շա՛տ եմ ուզում մեր քաղաքը լինել և հատկապես զեզը՝ մի փոքր պարտալի. բայց դորժերս դեռ չեն վերջացել, որ դամ. այստեղից ձանձրացել եմ:

Քեզ համար մի շա՛տ լավ դիրք եմ գնել. բայց ի՛նչ գրքեր կուզես՝ գրիր, բերեմ հետս, դու խոստացել ես ինձ հետ անկեղծ լինել:

Սպասում եմ նամակիդ:

Քարեններով Ավետիլ

15 հոկտեմբերի դիշեր
Թիֆլիզ

• •

Այս բու երրորդ նամակիդ պատասխանը չէ, նա այս բույսիս մոտս չէ, օրի կետերին կարողանամ պատասխանել. հիմա կուզենայի քեզ մի քանի խոսք ուսել. այդտեղ չկարողացա հետդ խոսել, որովհետև ջեր տանը էս ինձ

անշված էի զգում և մայրիկդ շարունակ կասկածանքով էր վերաբերվում ինձ, մի բան, որ ինձ շատ վրդովեց...

Թանկագին Աննի՛կ, ես չեմ ուզում ասել ասյն, ինչ որ գուցե դու չգիտես կամ շատ քիչ գիտես,— դա ասյն է, որ Ձերոնք ինձ չեն սիրում և ասյն նրա համար, որ ե՛ս աստվածային, տիեզերական սիրով սիրել եմ, պաշտել եմ Ձերոնցից մեկին, որի համար այնքան եմ տանջվել ու լացել, որ դեռ արցունքս չի չորացել սրտիս մեջ, և տանջանքից աչքերս չեն փայլել երիտասարդական կրակով. ես այնքան եմ տանջվել, որ ուրիշը իմ փոխարեն արդեն ինքնասպան կլինեիր... ես չմեռա փիզիկայես, բայց կորցրի շատ չքնաղ բաներ—աշխույժս, ժամանակս, բանաստեղծական տաղանդս... Եվ ես միայն հիմա եմ մի փոքր կազդուրված շնորհիվ ասյն վե՛հ, սրբազա՛ն գործի, որի մեջն եմ, որի համար աշխատում եմ ու ապրում—հայրենիքի սուրբ գործը... այո՛, Ձերոնք ինձ չեն սիրում և ամեն միջոց գործ կղենն մեր մեջ աճող մտերմությունը թունավորելու. նրանք ինձ չեն հասկանում և չեն կարող հասկանալ. նրանք չգիտեն, որ ևս շատ բարձր, վե՛հ ու մաքուր տրամադրությունների տեր մարդ եմ, նրանք չեն ուզում տեսնել, որ ժողովուրդը ինձ սիրում է, որ ես հասարակ, գծուծ, ամբոխամիտ հոգի չեմ... և թող չգիտենան. ես թեք ունեմ, ես կսավառնեմ դեպի արևը և արև կդառնամ այս ստոր ու անազնի՛վ աշխարհի համար...

Ա՛խ, ես ինչո՛ւ եմ գրում այս.— ես չեմ ուզում քեզ վշտացնել. դու մեղավոր չես, որ Ձերոնք իմ լուսեղեն սիրտս տրորեցին իրենց ոտների տակ... ես գրում եմ, որովհետև ես խորապես զգացի, որ դու լուրջ հոգի ունես, տանջվում ես, ըմբոստ ես, չես ենթարկվում շրջապատի ճահիճի օրենքներին, որ դու բանաստեղծական տրամադրություն ունիս, որ քո հոգին բանաստեղծ է, որ քու սրտում ապրում է ու բուրում ու շողշողում մի նվիրակսն պոեզիա... Բա՛ց, Աննի՛կ ջան, քու երկնային սիրտը իմ տանջված հոգու առաջ. ես սրբության պես կմոտենամ քու հոգու տաճարին, կերկրպագեմ և կյա՛նքս, կյա՛նքս չեմ խնայի քեզ—լինիս դու պայծա՛ռ, արշալու՛յս, մաքու՛ր, խո՛րն ու վսե՛մ՝ այդպե՛ս լինիս դու...

Այդտեղ ես համարյա չէի խոսում հետդ. բայց ես ըմբռնեցի, որ գործ ունեմ մի լուրջ հոգու հետ. ես քեզ երեխա էի կարծում, բայց հիմա զգում եմ, որ դու խորը և երազուն մարդ ես, որ դու այս աշխարհից չես, որ քու աչքերի մեջ երկնքի լույսից կա, որ դու ճառագայթ ես—ես ներողություն եմ խնդրում իմ Աննիկից, որ ես լրջորեն չեմ վարվել իրեն հետ:

Նամակս գրում եմ շատ կցկտուր՝ հոգնած եմ և զլուխս ցավում է. մյուս անգամ երկարորեն կգրեմ. և նամակներիս մեջ նյութ կառնեմ զանազան հարցեր՝ հոգեբանական, փիլիսոփայական, գրական, հասարակական. ես մտածում եմ թե ինչո՞վ կարող եմ քեզ օգտակար լինել, դու գրիր քո մտքի տուրակույսները. հարցեր տուր. բաց հոգուդ առագաստները. ցույց տուր երկինքդ. և ինչպես վայել է քեզ պես մի չփչացած հոգուն՝ եղիր միայն անկեղծ. անկեղծ ու միշտ անկեղծ՝ ի սեր քու մաքրությանը: Դու ակամալից ինձ մի փոքր վիրավորեցիր, որ չէիր ուզում բերած գրքերը վերցնել. մի՞թե դու չզգաղիր. որ այդպես կվարվին միայն ոչ բարեկամի, հեռու մարդու հետ... ախր ինչո՞վ կարող եմ ես քեզ պետքական լինել. այնինչ ես մտածում եմ, որ դու ունենաս լավ գրքեր և միշտ հանձարեղ ու բանաստեղծական հոգիների հետ գործ

ունենաս, հաղորդվիս. ոչ, դու պետք է ընդունես իմ բերած գրքերը և այսուհետև, և դու ինձ՝ իբրև շատ մտերիմ ընկեր-քույր-հոգի, գրես ի՞նչ գրքեր կուզես, և միշտ գրքեր կդրկեմ ուրախությամբ՝ որ պետք եմ գալիս քեզ. դա ինձ մեծ բերկրանք է:

Ես պիտի խնդրեմ քեզից մի բան—ես գուշակեցի, որ դու բանաստեղծություններ ես գրում. խնդրում եմ դրկիր առ այժմ ինձ մի քանիսը՝ քու կարծիքով լավերը. և՛ թե հարմար լինին՝ մի փոքր ուղղելուց հետո՝ տամ «Մուրճ»-ին տպելու, շմերժես. Աննիկ. հա՛, դու շտվեցիր հիշատակարանդ կարդալու, բայց հետո, երբ գերազանցորեն մտերմանանք. հա՛:

Երբ այդտեղ գամ՝ քեզ կսորվեցնեմ բանաստեղծության արվեստի օրենքների հետ. ի՞նչ բան է չափը, հանգը, տեսակները և այլն:

Անհամբեր սպասում եմ նամակիդ.

Բաղեներ Աննիկին.

Քո Ավետիկ*

2 նոյեմբերի, 1904.

Քիֆիդ

Նամակս գրում եմ Հով. Թումանյանի տանից. այդ պատճառով նամակդ մոտս չէ:

Հասցես. Օվ. Туманян, Бебутовская 50

Тифлис

Ուշ գիշեր է. ևս միայն այժմ ժամանակ ունիմ խոսելու քեզ հետ. երեկ և նախընթաց օրը ուզում էի գրել, բայց մենակ չէի և ազատ ժամ չկար. հիմա գրում եմ Օհաննեսի տանից (մենք Թումանյանին միշտ այդպես ենք կոչում). այսօր մեր խումբը՝ որի անունն է Վերնատուն. որոնք են՝ Ղ. Աղայան, Հ. Թումանյան, Լ. Շանթ, Դ. Դեմիրճյան և ես՝ մեր գրական սերտ խմբակը հավաքվել էր ճաշի... երեկոյան նրանք հեռացան. մնացի ես և սրտիս գեղեցիկ ուրախությամբ սկսում եմ խոսել քեզ հետ, թանկագին Աննիկ:

Արդյոք ի՞նչն է ստիպել քեզ՝ չարախնդաց Միֆեստոֆը (գրում եմ քու լեզվով), որ դու դիմում ես ինձ այսպիսի մի հարցով— «Դ՞ու ես դու. իմ պահպան հրեշտակը, թե կործանող սատանան»— «Ո՞վ եմ ես»... և այսպիսի երկբայական, սկեպտիկ, դեմոնական հարցեր. իմ սիրտը լցնում է բո տատանմունքը և՛ ուրախությամբ, և՛ թախիծով. ուրախանում եմ, որ դու խելոք ես, հասուն ես. և կուլ չես գնում, բայց տխրում եմ, որ հավատդ մեռել է արդեն դեպի մարդը և հոգուդ պայծառությունը ամպոտել. իսկ ես ինչպե՞ս կույրենայի, որ դու լինեիր ջինջ ու լազուր երկինք՝ իմ հոգու, իմ մռայլ ծովի վերափուլած փայլուն, պայծառ երկինք: Դու հարցնում ես՝ վիշտը սրտիդ մեջ սնույանելով՝ թե վճռիր իմ տատանմունքս... ես միայն այս կտեսեմ քեզ և այս միայն մի անգամ կասեմ և ամբողջ կյանքիս մեջ միայն մի անգամ կտեսեմ քեզ— «Ես սիրում եմ քեզ, Աննիկ, Աննիկ ջան, իմ շա՛տ սիրելի Աննիկ»...

Եվ այս իմ հոգու խորքից քեզ խոստովանելուց հետո՝ այսուհետև քեզ ամեն ինչ պարզ պետք է լինի... ասա՛, ի՞նչ կարող է անել սիրող սիրտը. ինչի՞

* Այս նամակը տպագրվում է անշան կրճատումով:

առաջ կանգ կառնի սիրող սիրտը. ես անկարելին կարելի կդարձնեմ քեզ համար. ես քառասուն զխանի դեին կսպանեմ քեզ համար. ես անմահության խնձորը կբերեմ քեզ համար. ես արևը, աստղերը, ամբողջ աշխարհը կնվիրեմ քեզ. ես իմ կյանքս, իմ կյանքս կտամ քեզ. ուրիշ ի՞նչ ես ուզում. մի՞թե այսուհետ կարող ես դու տատանվել, կասկածել ղեպի ինձ:

Դու դեն շարտիր քու թանկագին զխից այն վատ մտքերը՝ թե ես նամանություն եմ գտնում քեզ քու քրոջ հետ. աստված չանե, որ դու նրան նման լինիս. նա չար է, նա օձասիրտ է. նա անսիրտ է. իմ ապրած հոգին զգաց քու մեջ մի երկնային հոգու ներկայությունը. մի չքնաղ մաքրություն. ես կարոտ եմ այդ հրեշտակային գուրգուրանքին և անմեղության. ես լալ եմ ուզում քու մաքուր ձեռների վերա. ես որոնել եմ միշտ մի ոսկեղեն, մի լուսեղեն ասուպի, որ անցներ իմ հոգու երկնքով՝ և անցավ ու այն դու էիր. անցար ու ընկար հոգուս խորքում. արդյոք դու պիտի ինձ համար ճառապայթ դառնաս ոգևորության ու սիրու, թե վերք ու վիշտ. միևնույնն է. ես օրհնում եմ քեզ. քու հանդիպումը. և եթե դու ինձ փշրես, ինչպես փշրեց նա, եթե իմ երջանկության կիսափշուր բաժակը ամբողջովին ջարդես. ես չեմ տնիծի քեզ. և սիրելով՝ կմեռնեմ: Այսուհետև ուզում եմ, որ դու ինձ հավատաս այնպես, ինչպես հավատացյալը հավատում է աստծուն. ես միշտ ազնիվ, միշտ աստվածային կմնամ ղեպի քեզ: Եղի՛նչ չեմ ուզում քեզնից. եղի՛ր աստծու ազատ թռչունի պես՝ շինի՛ր քո բույնը՝ ուր ուզում ես, և ում հետ ուզում ես. ես սրտիս խորքից կնպաստեմ քու երջանկության շենքը շինելուն:

Եվ այս ամենից հետո դու՛, իմ հպարտությունս, մի՞թե կարող ես կասկածել. ոչ և միշտ ոչ. դու հավատացի՛ր ինձ. և քու կյանքի նավն ու ղեկը հանձնիր ինձ. ես գերասքանչ ճիղերով կաշխատեմ, կղեկավարեմ քու փխրուն, քու նազելի նավը կյանքի կատաղի ծովի մեջ, ալիքների դեմ. կուրծքս պատեն չկանգնեցնեմ փոթորկի առաջ՝ և քեզ կհասցնեմ լույսի, ղեղեցկության, վեհության ափերը...

Ես այլևս չեմ խոսի այս զգացմունքի մասին. և ես երբեք չէի էլ խոսի, եթե քու տառապանքները չլինեիր. քու կասկածը, քու վախը. ես չատ լավ գիտեմ աշխարհը, մարդիկ. լիրբ օրենքներն ու ծովածավալ անմաքրությունը կյանքի. և գիտեմ թե ո՞րքան անպաշտպան ու խեղճ ու միամիտ են աղջիկները մարդագայլերի առաջ. և քու վախը հասկանալի է ինձ. բայց գուշատ բախտավոր ես, իմ սիրելի Աննիկ, որ ինձ հանդիպեցիր. ես քանի ողջ եմ— ոչ ոք չպիտի կարողանա և ոչ ոք իրավունք չպիտի ունենա քու սիրտը կոտրելու, քեզ վիրավորելու. իմ գերագույն հաճությամբ պիտի լինի քու կյանքի ճամփեն դարձնել պայծառ, ղեղեցի՛կ ու երջանկալի՛. արյունով կներկեմ իմ քայլերս ու ձեռներս՝ ով որ խռչնդոտ կանգնի քու երջանկության առաջ. ապրիր այսուհետև՝ հենված իմ գրանիտ սրտի վերա. երգի՛ր երկնքի ու ջահելության երգերից. պարիր ամենաբուռն ոգևորությամբ, քաղիր ամենաշքեղ ծաղիկները, երազի՛ր ամենաչքնաղ երազները. սիրի՛ր կյանքը, մարդիկ, աշխարհը և ամենից շատ սիրիր ինձ...

Բարի գիշեր և կարոտով բարևներ իմ սիրելի, իմ թանկագին, իմ սլալծառ Աննիկին.

միշտ քեզ տնձնվեր քո և քո Ավ.Իսահ.

9 նոյեմբ. 1904.

Բիֆիդ

Եղեկվա օրը ես այնքան տանջվեցի, որ հոգիս քամվեց. խորապես զգում եմ, որ քեզ շա՛տ և շատ սիրում եմ. և այս սիրուց շատ եմ վախենում—վախենում եմ, որ վերջնականապես չջարդվի սիրտս և նորա հետ հույսերս ու մնացած երազներս. այնպես ջարդվի, որ դիակ դառնամ և չկարողանամ մի բան անել. և դրա պատճառը քու տարօրինակ վարմունքն է ինձ հետ—ինչո՞ւ ես լուռ, ի՞նչ ես ուզում ասել. այդ ի՞նչ ահավոր լուռթյուն է քու հոգում, ես վախենում եմ. ինձ թվում է, որ դու մի բույսի մեջ կարող ես փշրել սիրտս և գնալ քեզ արդար համարելով. անցյալ օրվա լուռթյունդ—ամենասոսկալի բանն է լուռթյունը. դա ծովի հատակ է, դա անգունդի խորություն է. միզուցե կուզես հեռանալ ինձնից—ես այդ խստությունը չեմ կարող տանել. բայց մնալ ինձ հոգեկից, մտերիմ մի՞թե կարող ես. դու ինձ կարոտից կմաշես. դու պահանջում ես որ ես մեռցնեմ իմ մեջ սեր, կարոտ, երազանք... ա՛խ, ինչե՛ր ես ասում. երբ պիտի քեզ հետ երկա՛ր-երկար դարեր խոսեմ. տեսնեմ հոգուդ հորիզոնները, զգամ քեզ... ես այնպես լալ եմ ուզում, և դու երեկ ինձ լազացրիր... սիրտս վիրավոր աղափնու պես թլպլտում է՝ դու վախեցրիր ինձ... իսկ ամբողջ օրը բոլորովին չերևացիր. ախր ինչո՞ւ այդպես ես վարվում, դու չգիտես, որ քեզ անսահման սիրում եմ, որ յուրաքանչյուր խոսքդ ազդում է հոգուս վրա, և ամեն մի ամենաչնչին սառնությունը ինձ հուսահատեցնում...

Աննիկ ջան, հավատա, որ ես կաշի չունեմ և ջղերիս բերանը բաց է. մի գիպչիր նույնիսկ ամենամեղմ շնչով. շա՛տ դառնապես եմ զգում և շատ դուրում տուժում եմ:

Դու կարող ես ինձ ոգևորել, հույս ներշնչել, եռանդ—և ես շատ պետքական մարդ կդառնամ, իսկ եթե ինձ թողնես... ես շա՛տ պիտի քաշքշվիմ ու գլուխս կորցնեմ և գուցե հավիտյան կորցնեմ...

Զգիտեմ ինչ եմ գրում. բայց սրտիցս արյուն է գնում և սիրտս մարում է. ինչո՞ւ ամենաուժեղ կերպով չհավատանք իրար. ինչո՞ւ հավատի անսահման, կապույտ, անամպ ու ջինջ երկինքը չլինի մեր մեջ...

Է՛հ, վերջացնեմ նամակս. զգում եմ, որ սիրտս չեմ կարող բանալ, արտահայտել. հնար չենե՛ր դեռի այս նամակի մեջ և դրկե՛ր քեզ. և տեսնե՛ր, և լայիր, և հավատայիր, և սիրե՛ր... Հգում եմ, որ քեզնից չեմ կարող զրկվել...

Վերք կա իմ մեջ, խո՛ր, լայնաբերա՛ն, լայնաբերա՛ն, և էլի չի գոցվում նա, և էլի արյունս ծորում է, թափվում է. դու չես տեսնում դա, չես զգում... բայց կարող ես, և չես ուզում նա բուժել. գուրգուրել ինձ...

Քո Ավետիֆ

19 հունվարի.

Աննիկ ջան, երեկ էլ քեզ շտեպա՛ ինչքան կուզեի տեսնել, երևում է, որ դու խույս ես տալիս ինձնից. չեմ կարող հավատալ այդ անգուլթ մտքի հետ. Աննիկ, ի սեր աստծու—լավ մտածիր...

Հիմա Երևան եմ գնում. մի 4—5 օր կուշանամ, բայց վերադարձիս աշխատիր ինձ տեսնել. աղաչում եմ:

Քո Ավետիֆ

20 հունվարի.

* * *

Սիրելի Աննիկ. գտնվում են նույն սենյակում և նույն գրասենյանի առաջ. Թումանյանի տանը, և ուզում եմ քեզ գրել, խոսել հետդ, բայց զգում եմ, որ այն նախկին հավատով լի, առողջ զգացմունքը չի տաքացնում սիրտս դեպի քեզ, ինչպես այն ժամանակ:

Աստված թող դատե այն շար մարդկանց, որոնք ընկան մեր սրտերի միջև և խավար ու ցուրտ տարածեցին մեր մեջ. բայց այլևս չեմ կարող համբերել ես. այսուհետև ով որ վստահանա մի դառն խոսք ասելու մեր մասին, ով ուր իրավունք համարե մեզ իրարուց բաժանելու—ես կվարվիմ իմ ամեն շարունթյամբ ու կատաղությամբ, չպետք է թողնել մարդկանց, որոնք վատ են ու շար, ու նախանձոտ, ղեկավարելու մեր սիրտը, և Ձերոնք այդպիսի մարդիկ են. որքան էլ որ քեզ սիրեմ և քու խաթրը «լահեմ», բայց չեմ կարող ներել Ձերոնց, մանավանդ Տերտերյանին. այդ ի՞նչ վարմունք էր, որ նա ցույց տվեց. ես չեմ կարող իմ գայրույթս ու զգվանքս մեռցնել դեպի նա, և ինչ գնով էլ որ լինի՝ ես պիտի նրան գրեմ—այնպե՛ս գրեմ, որ ինքը իրենից զզվի ու ամաչե. բայց ինչո՞ւ եմ գրում այս քեզ—չգիտեմ, եղի՞ր ներողամիտ:

Անցյալ անգամվա խոսակցության միջոցին դու մի քանի խոսքեր ասիր. որ ինձ համար անսպասելի էին. չէի կարող հավատալ, որ այդպիսի տգեղ մտքեր կան քու գլխում. բայց դա քու հոգուց չէ. այլ քու շրջանի մտքերն է:

Ա՛խ, երբ պիտի լինի, որ մենք միառժամանակ ազատ, բոլորովին ազատ լինենք, իրար հետ. և խոսենք. լավ հասկանանք իրար. իհարկե, ինձ հեշտ է հասկանալը. որովհետև ես ասում եմ զգացածս. բայց դու լուռ ու համբ ես. և ծածկամիտ, մի բան, որ ինձ շատ է վիրավորում. ախր ես քեզ էն գլխից խնդրեցի, որ ինձ հետ միանգամայն անկեղծ լինես. բայց դու — մանավանդ դեպի ինձ դեռ ծածուկ ես ու գաղտնապահ և սակավախոս. դու ինձ սիրում ես—ես չեմ կասկածում դրա մեջ. ասենք, որ և հավատում ես. բայց ինչո՞ւ, ինչո՞ւ սիրտդ չես բանում իմ սրտի առաջ. մի՞թե չը գիտես, որ քու սրտից բխածը գետին չի թափվի, այլ ուղղակի իմ սրտի մեջ. մեր սրտերը՝ երկու իրար հետ կապվող ծովերի պես պիտի լինին՝ իրար հետ միշտ խառնված ու հաղորդված. ի՞նչ է սերը և բարեկամությունը. դրան պատասխանում է Սոկրատես փիլիսոփան. «մի հոգի երկու մարմնի մեջ»։ Ուրեմն ես ու դու մի հոգի ու մի սիրտ պիտի լինենք. հասկացար:

Ես շուտով կդառնամ. մի կարևոր գործի համար եկա Թիֆլիզ. տուն գալուց համարյա անմիջապես հետո կգնամ մեր գեղը—մի փոքր պարապելու. անպես որ աշխատիք ինձ տեսնել. ինձ գրած բոլոր նամակներդ հետդ կբերես. և մի քանի կտոր գիրք-բաներ կան՝ կտանես, կկարդաս:

Հուսով եմ, որ այդպես կվարվես. որովհետև մինչև Ջատիկ էլ չենք պատահելու. գրածդ նամակները կամաց-կամաց կկարդամ և կմխիթարվեմ. Ա՛խ, ի՞նչ կլինի հիշատակարանդ տաս. դա հո ինձ շատ կուրախացնի և այնպես կզգամ, թե քեզ հետ եմ, մոտս ես, ինձնից բաժան չես. թե չէ առանց քեզ՝ կարոտից շատ կտանջվեմ. հոգուդ մեռնիմ, Աննիկ ջան, հիշատակարանդ ու նամակներդ անպատճառ բերես:

29 փետրվ.՝ Թիֆլիզ

Ռարենբերգի՝ քո Ավետիք

* Այս և սրա նախորդ նամակի թվականը չի նշված, բայց բովանդակությունից երևում է, որ գրված են 1905 թ.:

* * *

Ամենասիրելի Աննիկ ջան։

Եթե գիտենայի թե երկար մնալու եմ այստեղ՝ հասցե կտայի ու կգրեիր. այնպես լա՛վ կարգացել եմ քեզ. մի երկու օրից հետո կվերադառնամ։ Իմ անգի՛ն, իմ պայծա՛ռ Աննիկ ջան, իմ ընկե՛ր, իմ մաքուր սե՛ր—ասա, ի՛նչ որ կուզես՝ ես կատարեմ քեզ համար. ամենադժվարին բաները, անկարելի բաները. մեռնել քու երազների համար. դու՛ ի՛մ շքեղ, ի՛մ զուլալ երազ... Եղիր միշտ այդպես լա՛վ, այդպես մաքուր, այդպես կուսական. թող ոչ Խթի շունչը չդիպնի քեզ, ոչ ոթի ձեռքը չհասնի քեզ— և իմ, և իմ, դու երկինք եղիր իմ հոգու համար՝ ձգտեմ, թռնեմ քեզ և մեռնեմ քու կապույտ, քու լազուր, քու ջինջ հոգում։ Սիրիր ինձ, քու անձնվեր Ավետիքին։

15 մայիս. 05 թ.

Ախալցխա.